



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 22. Leopoldi de Colonitsch Cardinalis extrema.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

eventura mala prædicebant. Non de- sæc. XVII.
 erant etiam aliqui inter gentis hujus A. C. 1707.
 Primores, eruditos, & Prædicantes,
 qui emunctiori licet naso sapere sibi vi-
 derentur, fanaticis tamen hisce nebu-
 lonibus non modo obaudire, eosque
 velut veros Prophetas colere, sed & in
 insanæ favorem atque in eorum ap-
 probationem calamos suos non sine
 maximo famæ suæ detrimento exer-
 cere non erubuerunt, cum autem exin
 in plebecula motus exorirentur, resque
 ad majora pericula vergeret, ex hisce
 fatuis Prophetis non pauci in carceres
 coniecti sunt, cumque a sua insania ra-
 tionum momentis revocari non possent,
 judicum sententia die tertia Decembris
 Londini publicæ irrisionis opprobrio
 e pegmate expositi, tandem ut demen-
 tati & fanatici homunciones ex Urbe
 ejecti sunt.

§. XXII.

*Leopoldi de Colonitsch Cardinalis
 extrema.*

Respublica Christiana, ac Hungariæ Vit. Card.
 Ecclesia intimo dolore perceperat pag. 88.
 mortem Leopoldi Cardinalis Colonit- Kettl. Den. V
 schii. Hic ex parentibus nobilissimis Epist.
 Lutheri tamen secta infectis in Hunga- Clem. XI.
 ria natus, curante Ferdinando III. Im-
 pera-

Qq 4

pera-

Sæc. XVII. A. C. 1707. peratore in fide Catholica enutritus, in continuis solidæ pietatis, ac omnigenæ scientiæ exercitationibus adolevit. Attigerat nonum ætatis annum, dum jamjam Equestri Melitenum militiæ adscriptus, bellicæ expeditioni contra Turcas in Cretensi Insula, non prælio apud Dardanellas non otiosus Spectator, sed inter pugiles primus interfuit, vexillumque hosti eripuit, quo circa in fortitudinis præmium Melitenis arcis Gubernator, & paulopost Vitanam reversus, Cæsarei Cubiculi Minister renunciatus est: Verum ut propriæ Ecclesiæ obsequio vacare posset, sacri militiæ nomen dedit, ac singulari Religionis Zelo hæreticos & schismaticos ad Ecclesiæ gremium revocare intentos, conversos inexhausta liberalitate adjuvit, ac non raro ipse ante Ecclesiarum fores pro ipsis eleemosynas collegit, obstinatos vero, inquietosque coerceri, & Christianos Constantinopoli captivos redimi officiis, & liberali pecuniarum subsidio curavit, atque in vacillante, turbataque Hungaria firmissimam sese Ecclesiæ columnam exhibuit, cumque ob raram præsentiam, vitæ, morumque integritatem Leopoldo Cæsari in primis charus esset, primo Nitriensis, postea Neoburdienensis, demum Jaurinensis Episcopus

nominabatur: Necdum præclara hujus Sæc. XVII.
 Viri merita digno fatis præmio hone- A. C. 1707.
 stata Cæsari videbantur, quocirca eo
 urgente Coloccensis, postmodum Stri-
 goniensis Archiepiscopus, Hungariæ
 Primas, Curix Cæsareæ Præses, Can-
 cellarius ac denique Cardinalis ab In-
 nocentio XI. renuntiatus est, maxi-
 mam tamen proventuum suarum par-
 tem exornandis Ecclesiis, alendis Cle-
 ricis, Neophytis, pauperibusque dica-
 vit, necnon Viennæ militum hospitale
 suo ære erexit, ac pene inopem se red-
 didit, ut Viennensi Urbi, ejusque in-
 colis a Turca obsessis opem ferret; tum
 enim non modo verbis, sed & exemplo
 & auro milites, civesque ad strenuam
 defensionem tam potenter accendit,
 ut Vezirius infaustum obsidionis suc-
 cessum Colonitii auxiliis ac fortitudini
 imputans, Sultano pollicitus esset, se
 mox hujus Præsulis caput eidem Con-
 stantinopolin transmissurum. Egregia
 insuper obsequia præstitit Cæsari, qui
 ab ejus consiliis dependens, in gravis-
 simis Ecclesiæ & Imperii negotiis ejus
 opera cum maximo proventu utebatur,
 Pontifices etiam non raro suas curas in
 ejus sinum refundebant, ejusque aucto-
 ritati, quo apud Imperatores valebat,
 confisi, ipsius officium, Studiumque
 in iis, quæ vel publica negotia, vel

Sæc. XVII. Ecclesiæ necessitates, aut fidei Catho-
 A. C. 1707. licæ propagationem concernebant, im-
 plorabant. Tandem vero viribus de-
 senio fractus, ac diuturno morbo con-
 fectus, Viennæ die vigesima Januarii
 anno ætatis suæ septuagesimo sexto
 in Domino obdormivit, sepultus in Ec-
 clesia ad S. Annam: Erat uti in vita,
 sic post mortem liberalissimus paupe-
 rum benefactor, fecitque omnium ho-
 rum bonorum hæredes, Viennense, &
 Posoniense pauperum Xenodochium.

§. XXIII.

*Joannis Baptista Rubini Cardinalis
 decessus.*

Sequenti Mense Joannes Baptista Ru-
 binus patria Venetus obiit, qui sub
 cura Petri Ottoboni tum Brixinensis
 adhuc Episcopi, cui affinitate junctus
 erat, Venetiis, ac postea Brixie ho-
 manioribus literis operam navabat:
 Sacratioribus disciplinis egregie imbu-
 tus, ac Patavii Doctoratus laurea de-
 coratus, ibidem Cathedralis Ecclesiæ
 Canonicus nominabatur, atque ab eo-
 dem Petro Romam vocatus, Romæ
 nisque Prælati accensitus, plurium
 Urbium ditionis Ecclesiasticæ Gube-
 natorem egit, demum ab Innocentio XI.
 Vicentino Episcopatu honoratus. Post
 quam